

Dissertatio Academica  
 De  
 Computando Effectu Convexitatis  
 Superficiei in Arte Libellandi,  
 Posita Figura Telluris Ellipsoidica.

Quam  
 Consensu Amplissimæ Facultatis Philosophicæ Aboënsis,  
 Præside

*Mag. JOH. HENR. LINDQUIST,*

*Math. Prof. R. & O. atque R. Acad. Sc. Svec. Membro,*

Pro Laurea  
 Publico Examini submittit

*CAROLUS GUSTAVUS UTTER,*

*Stipend. Reg. Satacundensis.*

*In Auditorio Majori die IX Maji MDCCXCV,*  
*Horis ante merid. confvetis.*

*ABOÆ,*  
 TYPIS FRENCKELLIANIS.



§. I.

**V**ix ulla in universa Geometria practica occurrit operatio majorem postulans exactitudinem, quam, quæ in aquædutionibus præsertim summe necessaria est, ars sic dicta libellandi, cuius ope detegitur, an & quantum duorum locorum a se invicem distantium unus altero elevatione sit. Libellationes vero in primis longiores, exquisitissima utcunque ratione institutæ, dupli semper egent correctione, una propter curvaturam, quam in atmosphæra nostra subeunt radii luminis, altera ob convexitatem ipsius superficie terrestris; quæ quidem correctiones, ut diversis nituntur principiis, ita sigillatim de utraque disquirere convenientissimum videtur. Harum posteriorem præsenti Specimine Academico breviter examinare constituimus, regulas investigaturi, secundum quas in arte libellandi commodissime computari queat effectus variæ (pro diversa tam latitudine quam directione) curvaturæ superficie, posita figura telluris ellipsoidea versus polos compressa, quam ut verisimillimam hic adsumimus hypothesin. In brevioribus quidem libellationibus hæc correctione convexitatis ut & refractio-

ctionis plerumque contemni potest; quam ob causam etiam ad has correctiones evitandas, quoties per longiores tractus libellatio extendenda sit, a quibusdam commendetur, majorem quamvis distantiam in minores portiones partiri & singulas harum seorsim libellare. Praeterquam vero quod molestae sint operaciones adeo multiplicatae, minores etjam errores ex indeole instrumentorum & ex modo haec tractandi prodeentes atque vix evitabiles, per hanc repetitionem ita cumulantur, ut maximam saepissime pariant incertitudinem. Nec semper occasio datur, libellationes, quod quidem maxime commendandum foret, ex utroque termino secundum directiones oppositas repetere.

### §. II.

Primo dispiciendum nobis est, qua ratione in arte libellandi inveniatur effectus convexitatis superficie, posita figura telluris perfecte sphaerica. Si igitur in quavis operatione libellatoria sit  $v$  distantia inter locum ex quo, & terminum versus quem fit collineatio, atque huic distantiae competens correctio convexitatis seu horizontis apparentis supra verum elevatio dicatur  $x$ ; ex data  $v$  & cognita telluris semidiometro  $= r$  investiganda erit  $x$ . Hic vero duo occurunt casus, prout distantia illa  $v$  secundum horizontem aut verum aut apparentem mensurata detur. In utroque casu ut exacta obtineatur  $x$ , querenda est primum amplitudo arcus circuli maximi sphaeræ pro data  $v$ , quæ amplitudo dicatur  $z$ . In Casu I, quo  $v$  designat

distantiam secundum horizontem verum seu immedia-  
te in ipsa telluris superficie, inæqualitatibus quotquot  
adfuerint correctis, mensuratam, patet  $v$  esse ipsum ar-  
eum radio  $= r$  descriptum, adeoque quum in scrupulis  
secundis desideretur  $z$ , (designante  $N$  numerum  
minutorum secundorum, quæ continet arcus circuli  
radio æqualis seu  $N = 206264, 8.$ ) erit  $z = \frac{Nv}{r}$ . In  
*Casu II*, quo distantia  $v$  sumitur in plano horizontis  
apparentis, sicut fieri solet quando  $v$  per mensuratio-  
nem trigonometricam determinatur, erit  $\operatorname{tg} z = \frac{v}{r}$ , po-  
sito Sinu toto  $= 1$ . Inventa itaque amplitudine  $z$ , in  
utroqne casu computari potest  $x$  secundum utramvis  
harum formularum:

$$\text{A). } x = \frac{2r \sin \frac{1}{2}z^2}{\operatorname{Cof} z}, \text{ vel B). } x = r \operatorname{tg} z \operatorname{tg} \frac{1}{2}z;$$

quarum veritas facilime evincitur. Evidens enim  
est, fore  $\frac{x}{r} = \operatorname{Sec} z - 1 = \frac{1}{\operatorname{Cof} z} - 1 = \frac{1 - \operatorname{Cof} z}{\operatorname{Cof} z} =$   
 $\frac{2 \sin \frac{1}{2}z^2}{\operatorname{Cof} z} = \frac{2 \sin \frac{1}{2}z \operatorname{Cof} \frac{1}{2}z}{\operatorname{Cof} z} \cdot \frac{\sin \frac{1}{2}z}{\operatorname{Cof} \frac{1}{2}z} = \frac{\sin z \sin \frac{1}{2}z}{\operatorname{Cof} z \operatorname{Cof} \frac{1}{2}z} =$   
 $\operatorname{tg} z \operatorname{tg} \frac{1}{2}z.$

Potest etiam sine auxilio anguli  $z$  ex datis  $v$  &  $r$   
inveniri  $x$  per sequentes series:

$$\text{Cas. I: } x = \frac{v^2}{2r} + \frac{5}{24} \cdot \frac{v^4}{r^3} + \frac{61}{720} \cdot \frac{v^6}{r^5} + \frac{277}{8064} \cdot \frac{v^8}{r^7} + \text{ &c.}$$

$$\text{Cas. II: } x = \frac{v^2}{2r} - \frac{1}{8} \cdot \frac{v^4}{r^3} + \frac{1}{16} \cdot \frac{v^6}{r^5} - \frac{5}{128} \cdot \frac{v^8}{r^7} + \text{ &c.}$$

Quo-

Quoties vero, ut semper fieri solet,  $v$  est  $< 30000$  hexaped. Svec. seu  $z < 30'$ , sine errore  $\frac{1}{4}$  poll. geom. in utroque casu assumi potest: C).  $x = \frac{v^2}{2r}.$

### §. III.

Quas in §. præced. dedimus regulas pro compu-  
tando effectu convexitatis in figura sphærica, eadem  
pro figura quavis alia itidem valent, dummodo loco  
semidiametri  $r$  sumatur radius osculi seu curvaturæ  
pro dato loco & data directione. Posita igitur figura  
telluris ellipsoidica, data semidiametro æquatoris  $=$   
 $a$  & semiaxi telluris  $= na$ , inveniendus est pro quovis  
casu hic radius. Notissimum vero est, in ellipsoide  
curvaturam variare non tantum pro diversa latitudine,  
verum etjam in uno eodemque loco pro diversa di-  
rectione seu declinatione a meridiano. Sigillatim ita-  
que primum considerandus nobis est iste casus, quo  
in directione ipsius meridiani seu versus meridiem vel  
septentrionem instituitur operatio. Si in hac directio-  
ne pro data loci latitudine  $= L$ , dicatur radius oscu-  
li  $m$ ; posito  $n \operatorname{tg} L = \operatorname{tg} M$ , erit  $m = \frac{a}{n} \left( \frac{\sin M}{\sin L} \right)^3 =$   
 $n^2 a \left( \frac{\cos M}{\cos L} \right)^3$ , cfr. Diff. qua resolvuntur nonnulla proble-  
mata posita figura telluris ellipsoidica, Praeside Cel. M.  
J. WALLENIO a Th. MATTHEISZEN Aboæ 1767 e-  
dita §. 3; quæ formulæ, si in series evolutæ deside-  
rentur, præbent:

$$m = n^2 a \left( 1 + \frac{1}{2} \frac{(1-n^2) \sin L^2}{2} + \frac{3 \cdot 5}{1 \cdot 2} \frac{(1-n^2)^2 \sin L^4}{4} + \text{&c.} \right)$$

Hinc si cum Cel. MALLET (*Mathem. Beskrifn. om Jordklotet* §. 28) assumamus  $a = 3589141$ , 2 hexaped. Svec. &  $n = \frac{1}{2} \frac{2}{3} \frac{3}{4}$ , erit sub æquatore  $m = n^2 a = 3553339, 5$ , sub polo vero  $m = \frac{a}{n} = 3607177, 1$ , & sub  $60^\circ$  latitudine  $m = 3593590, 8$  hexaped. Sv. Adeoque pro distantia  $v = 9000$  hexaped. sv. Correctio  $x$  in pedibus Svec. expressa foret sub Äquatore = 68, 39, sub polo = 67, 37, & sub  $60^\circ$  Lat. = 67, 62; quod exemplum probat in majoribus libellationibus ex neglecta hac variatione curvaturæ errorem > 1 ped. Svec. oriri posse. Tantus vero error in hoc operationum genere non semper tolerari potest,

#### §. IV.

In loco etiam uno eodemque superficie ellipsoide diversa est curvatura pro diversa directione seu declinatione a meridiano. Hoc sub ipso Äquatore manifestissimum est, ubi scilicet libellatione instituta versus orientem vel occidentem, retentis prioribus denominationibus, est  $r = a$ , in directione vero ipsius meridiani est  $r = n^2 a$ , quarum quantitatatum differentia 35800 hexaped. Sv. (§. 3.) excedit. Videndum igitur est, quomodo pro data latitudine =  $L$  & dato angulo =  $\phi$ , quo a meridiano declinat directio libellationis, in Ellipsoide inveniatur radius curvaturæ, qui pro hac directione sit =  $\rho$ . Si ad datum istum locum

locum normalis ad meridianum inter superficiem &  
 axem Ellipsoidis intercepta dicatur  $k$ , atque per hanc  
 normalem & punctum versus quod in libellando sit  
 collineatio, duetum intelligatur planum (cujus itaque  
 ad meridianum inclinatio  $= \phi$ ), erit hujus plani cum  
 superficie ellipsoidica intersectio Ellipsis, cuius pro  
 dato illo loco radius osculi est  $\rho$ . Designante  $\alpha$  se-  
 miaxem hujus Ellipseos transversum, (qui semper  
 per punctum transit, in quo normalis  $k$  occurrit axi  
 telluris) &  $\beta$  semiaxem illi conjugatum, ex iis quae in  
 edita superiori anno *Dissertatione de Sectionibus Ellip-  
 soidicis* §. 6. demonstravimus, patet huic ellipsi, cum  
 meridiano communem esse istam normalem  $k$ , &  
 hanc ipsosque semiaxes  $\alpha$  &  $\beta$  inveniri ope sequen-  
 tium formularum:

$$\begin{aligned}
 1:0 \quad Tg M &= n Tg L; \\
 2:0 \quad \sin \lambda &= \cos L \sin \phi; \\
 3:0 \quad Tg \mu &= n Tg \lambda; \\
 4:0 \quad \sin \gamma &= \frac{(1-n)}{n} \frac{\sin M}{\sin \mu}; \\
 5:0 \quad \beta &= \alpha \cos \gamma; \\
 6:0 \quad \alpha &= \frac{\alpha \cos \gamma \sin \mu}{\sin \lambda}; \\
 7:0 \quad k &= \frac{\alpha \cos M}{\cos L} = \frac{\alpha \sin M}{n \sin L}.
 \end{aligned}$$

Hinc quum, ut ex Conicis constat, generatim sit  
 $\rho = \frac{\alpha^2 k^3}{\beta^4}$ , datis  $\alpha$ ,  $n$ ,  $L$  &  $\phi$ , inveniri potest  $\rho$ ; &  
 quidem commodissime nostro iudicio hoc fiet, si prius  
 pro dato isto loco queratur (§. 3.)  $m$  seu radius cur-  
 vaturae secundum directionem meridiani. Hoc ete-  
 nim invento, ob  $m = \frac{n^2 k^3}{\alpha^2}$ , erit  $\rho = \frac{m \alpha^2 \alpha^2}{n^2 \beta^4}$ ; unde

per

per formulas allatas facta debita reductione, atque  
 ponendo compendii causa  $\sqrt{1-n} = q$  &  $\frac{q}{n} = p$ , ob-  
 tinetur  $\varrho = \frac{m(1+p^2 \operatorname{Cos} L^2)}{1+p^2 \operatorname{Cos} L^2 \operatorname{Cos} \beta^2}$ . Est autem  $m(1+p^2 \operatorname{Cos} L^2)$   
 $= k$ ; ergo  $\varrho = \frac{k}{1+p^2 \operatorname{Cos} L^2 \operatorname{Cos} \phi^2}$ , quæ formula fa-  
 cile per Logarithmos computatur facto  $p \operatorname{Cos} L \operatorname{Cos} \phi =$   
 $\operatorname{tg} \psi$ ; tum enim fiet  $\varrho = k \operatorname{Cos} \psi$ . Ex his etiam for-  
 mulis manifestum est, pro data Latitudine  $L$  maximum  
 esse  $\varrho = k$  existente  $\phi = 90^\circ$ ; sed minimum fore  
 $\varrho = m$ , quando est  $\phi = 0$ : Adeoque differentiam in-  
 ter hos limites esse  $= k - m = m p^2 \operatorname{Cos} L^2$ , ex qua  
 differentia pro dato quovis casu dijudicari poterit,  
 utrum ad hanc variationem curvaturæ pro diversis  
 directionibus attendere opus sit.

Et hæ quidem jam allatae regulæ pro compu-  
 tando effectu convexitatis superficie ellipsoidicæ  
 sufficientem præbent exactitudinem, etiam si distantia  
 $v$  ad integrum usque gradum extenderetur. Ad  
 tantam vero distantiam vix unquam collineatio fieri  
 potest, quamobrem etiam superfluum judicamus ul-  
 terius inquirere de aberratione circuli osculantis ab  
 ipsa ellipso, & de errore inde oriundo, quod quoties  
 angulus  $\phi$  est obliquus, normales ad utrumque terminum  
 in diversis planis jaceant. Hi enim errores, ut  
 sensibiles fiant, maiores supponunt distantias, quam  
 quæ in praxi libellationis unquam occurrent.